

Pol ndê bapia têtj lau

Epesas-nga

Yom whê bapia dindec sa-nga

Epesas ij malac tiwaê danj yêc gamej Esia-nga, ma Luk to yom pi Pol ndê gwelej yêc malac Epesas yêc Apo 18:18-21, ma 19:1-41. Lau daêsam gauc gêm bu Pol to bapia dindec têtj gôlôwac dabuj malac Epesas-nga têtj ndoc ij ndôc gapocwalô ndôc malac Rom, ma gauc gêm bu ij to bapia dau têtj lau Epesas-nga tawasê dom, magoc gitôm bapia nanj gic waê lau sêkêj whij-nga honj bu puc nac dôj.

Yêc lôcwha (sapta) 1-3 Pol to yom pi mwasij ti naclai atu nanj Anötö gic bata têtj lau sêkêj whij-nga, ma pi lêtj nanj ij gauc gêm tidôn muj su bu pij gêtj undambê-nga ti gêtj nom-nga honj dôj pitigerj, ma kêtj Yisu ti nagôlôn (1:10). Yisu ndê gwelej gic lau Israel-nga ma lau gamej apa-nga, nanj nawae bocdinaj. Naj honj sêtaj Anötö ndê mwasij nem nac si-nga sa tu nac si sêkêj whij-nga, gitôm mwasij nambwa (2:8-10).

Yêc lôcwha 4-6 Pol to yom ma gêm la lau sêkêj whij-nga pi lêtj nayham tu sêsa-nga, ma tu sêmbo sêwhij dandi-nga, ma tu sêlhac nanja ma sêndic sij têtj Sadañ-nga.

Pol gic hu ndê bapia têtj lau Epesas-nga

1 ¹Aô Pol, nanj gati Yisu Kilisi ndê †aposel kêkuc Anötö ndê atac whij, gato bapia dindec têtj lau dabuj malac Epesas-nga, mac lau nanj akêtj whij Yisu Kilisi. ²Mwasij ti yom malô têtj mac akêtj Damañ Anötö, lu Pômdau Yisu Kilisi.

Mwasij nalôm-nga nanj datap sa tu Kilisi-nga

³Tampij Anötö, yac nej Pômdau Yisu Kilisi Damba, nanj kêmwasij yac lau nanj dakêtj whij Kilisi, na Najalau Dabuj ndê mwasij nalôm-nga tidau-tidau, nanj nahu yêc undambê. ⁴Bu têtj ndoc ij kêtj undambê ti nom su dom, nanj ij kêyalij yac sa gwanañ su, bu pij yac dôj danem damij Kilisi, ma bu dati lau dabuj ma dambo ij anjô-nga ti nej giso mbasi.

In tac whin yac ndu andô, ⁵dec kêyalin yac sa gwanan su, ma kêmasan lën bu kôc yac sa dati in ndê balêkoc, tu Yisu Kilisi-nga. Lën dau kékuc in ndê atac whin, ma in gêlic nayham bu kôm nandô sa, ⁶tu bu yac dapo Anötö ndê waê sa tiatu, tu mwasin atu nan datap sa nambwa, tu in ndê Atungac nan in atac whin kêlêc-nga. ⁷Yac lau nan dakên whin Yisu Kilisi, nan Anötö suc yac ney sac kwi ma gêmlihi yac ney sac natôp, na Kilisi ndê dac. Anötö in mwasin ti mwasin Njatau, dec kôm gêy dau nandô sa. ⁸In ndê mwasin kêsalê yac ahuc, ma kêy gauc nayham-nayham tên yac bu tanyalê in ti ndê yom-nga. ⁹Ma lën nan Anötö gauc gêm tidôn mun su, ma gêlic nayham bu Kilisi kôm nandô sa, nan yêc sin dau tên têm namata-nga andô e men, magoc kwahic dec Anötö hoc asê tên yac. ¹⁰Lên dau bocdec. Anötö tac whin bu pin gêy undambê-nga ti gêy nom-nga hon dôn sêsôc ngagôlôn tigen napu, ma ngagôlôn dau in Kilisi. Ma gêy dau oc nandô sa tên ndoc nan Anötö kêmatin tidôn.

¹¹Lên hon nan Anötö gauc gêm tidôn, nan kôm nandô sa kékuc in dau ndê atac whin. Ma tên têm namata-nga andô, in gauc gêm tidôn bu ênyalin yac lau nan ambo Israel si ton nalom nan sa, bu pin yac dôn anem damin Kilisi. ¹²Anötö kôm gêy dau, bu yac lau nan ati lau namata-nga bu akên batan bu atap Anötö ndê mwasin nem yac si-nga sa tu Kilisi-nga, nan oc ambo tu ampin in, ma tu apo in ndê waê sa-nga. ¹³Ma mac flau gamey apa-nga bocdina. Anötö pin mac dôn am damin Kilisi awhin yac lau Israel-nga, tên ndoc mac ngô yom nandô nawaê nayham-nga, nan whê Anötö ndê lën nem mac si-nga sa. Ma tên ndoc mac akên whin, nan Anötö kêy Njalau Dabu nan in gic bata mun su, bu ti mac nem nadalô bu tôc asê bu mac ati Kilisi ndê lau. ¹⁴Njalau dau, Anötö kêy tên yac gitôm gêy nandô mbêc, tu bu tôc asê bu mwasin hon nan in gic bata bu dawêkain tinambu, nan oc datap sa yomandô. Anötö gêmlihi yac su dati in ndê, ma gêy dau na-nandô yac oc datap sa tên bêc nambu-nga. Tu dina-nga tampin Anötö ma dapo in ndê waê sa.

Pol ten mbec tu lau Epesas-nga

¹⁵Aô gangô nawaê bu mac akên whin Pômdau Yisu Kilisi nanga, ma atac whin lau dabu hon. Ma tu dina-nga dec, ¹⁶aô gatey mbec ma gam danje Anötö tu mac-nga tôm bêc hon. ¹⁷Yêc aney mbec hon nalom, aô gatey yac ney Pômdau Yisu Kilisi Damba, Njawasi Njatau Anötö, bu in ndê Njalau kêy gauc nayham tên mac, ma whê Anötö ndê yom sa tên mac e anyalê in tidôn andô. ¹⁸Ma aô gatey whin bu Anötö whê mac nem gauc sa e anyalê sôc nalom ndi, mwasin ti njawasi atu nan in kêgalêm mac sa bu awêkain awhin in ndê lau dabu hon, nan mac tamkwê ambo. ¹⁹Ma aô gatey mbec bu mac anyalê Anötö ndê nyclai nan hôc gêlêc nyclai hon su, nan in kêy bu nem yac lau dakên whin-nga sa. Anötö ndê nyclai atu tigen dina, ²⁰uh Kilisi sa akên lau batê-nga, ma kêy in ndoc in dau

amba andô-nga yêc undambê. ²¹Ma Kilisi ndöc Anötö ndê andô-nga, dec hôc gëlêc kiŋ ti gôliŋwaga ma ŋaclai ti ŋaŋga hoŋ naŋ sêmbô undambê me sêmbô nom, ma iŋ hôc gëlêc ŋaê ti waê hoŋ naŋ sêtoc sa têtj têtj kwahic dec-nga ma têtj têtj ŋambu-nga bocdinaŋ. ²²Ma Anötö kêtj gêtj hoŋ sêsôc Kilisi gahi ŋapu, ma kêtjalin iŋ sa ti gôlôwac dabuŋ si ŋagôlôn bu nem gôliŋ gêtj hoŋ. ²³Gôlôwac dabuŋ dau ti Kilisi ndê ŋandô. Ma Kilisi ndê mwasinŋ ti ŋaclai naŋ gêm gameŋ hoŋ ahuc, naŋ kêsâlê gôlôwac dabuŋ ahuc.

Kilisi ti yac neŋ dandöc taŋli ŋahu

2 ¹Muŋ-nga, mac akêtj whiŋ Kilisi su dom, naŋ mac atôm lau batê yêc Anötö aŋgô-nga, bu mac asa lêtj giso ma akôm sac ŋapaŋ. ²Mac asa nem lêtj dinaŋ aŋkuc lau nom-nga si mêtê sac, ma Sadaŋ, naŋ gêm gôliŋ iŋ ndê gameŋ yêc umboŋ ŋasawa, naŋ ti mac nem ŋadau. Ma kwahic dec iŋ kôm gwelenŋ ŋapaŋ, mbo lau naŋ daŋgapêc têtj Anötö, naŋ ŋalôm. ³Muŋ-nga, yac hoŋ dasa lêtj daŋaŋpêc-nga dawhiŋ ŋac. Ma mêtê atac ŋagalac-nga ti gauc sac-sac hoŋ naŋ meŋ akêtj ŋalôm akwa, naŋ yac dakôm su. Tu dinaŋ-nga yac tac waê bu datap Anötö ndê atac ŋandê sa tôm ŋac lau dinaŋ. ⁴Magoc Anötö iŋ Tawalô ŋadau ma tac whiŋ yac ndu andô, ma tu dinaŋ-nga dec, ⁵iŋ kêmwasinŋ yac ma gêm yac si. Mwasinŋ dau iŋ kêtj têtj yac ŋambwa eŋ. Têtj ndoc dinaŋ yac gacgeŋ dambo datôm lau batê tu yac neŋ sac-nga, magoc iŋ kêmasaŋ lêtj tu suc yac neŋ sac dau kwi-nga ma piŋ yac dôŋ danem damiŋ Kilisi, ma ŋalêtj dinaŋ kwahic dec dambo taŋli ŋandô dawhiŋ Kilisi. ⁶Anötö uŋ Yisu Kilisi sa ma kêtj iŋ ndöc undambê, ma tu iŋ piŋ yac dôŋ tam damiŋ Kilisi-nga, dec tôm iŋ uŋ yac sa ma kêtj yac dandöc undambê dawhiŋ Kilisi bocdinaŋ. ⁷Iŋ kôm gêtj hoŋ dinaŋ ŋahu bu iŋ tac whiŋ bu têtj mwasinŋ atu naŋ iŋ kêtj têtj yac tu Yisu Kilisi-nga, naŋ asê tiawê têtj lau hoŋ têtj têtj hoŋ naŋ oc meŋ sa. Mwasinŋ atu dau hôc gëlêc gêtj hoŋ su. ⁸Bu Anötö gêm yac si naŋ ŋahu andô iŋ ndê mwasinŋ naŋ kêtj ŋambwa têtj yac, ma datap sa tu yac neŋ dakêtj whiŋ-nga. Ma yac neŋ dakêtj whiŋ ŋahu yêc yac-nga dom, magoc ŋahu yêc Anötö ndê mwasinŋ. ⁹Iŋ gêm yac si tu yac neŋ gwelenŋ ŋayham daŋ-nga dom. Tu dinaŋ-nga ŋalêtj mba bu ŋamalac daŋ toc dau sa. ¹⁰Bu Anötö dau ndê gwelenŋ piŋ yac dôŋ tam damiŋ Kilisi, ma kôm yac dati lau wakuc bu dakôm mêtê ŋayham tidau-tidau naŋ iŋ kêmasaŋ gwananŋ su tu bu dakôm-nga.

Kilisi piŋ lau hoŋ dôŋ

¹¹Kwahic dec mac lau apa naŋ dinami sêkôc mac yêc Israel-nga si toŋ ŋalôm dom, naŋ atap Anötö ndê mwasinŋ atu sa su. Bocdinaŋ aô bu wandac mac bu gauc nem lêtj naŋ mac ambo muŋ-nga lê. Lau Israel-nga naŋ sêtj kuc †pwac sêsê ŋamlic ŋatô su-nga, naŋ sêpu mac ma sêsam mac

bu lau sambuc, njahu bu mac anjuc pwac dinaŋ dom. Pwac dau hêganônŋ njamlic njambwa, ma iŋ gêŋ naŋ njamalac amba njambwa kôm. ¹²Gauc nem bu têtŋ ndoc dinaŋ mac awêkaiŋ gêŋ daŋ awhiŋ Anötö ndê lau Israel-nŋga dom. Pwac hoŋ naŋ Anötö kêmatiŋ whiŋ lau Israel-nŋga tu êmwasiŋ njac-nŋga, naŋ njadaŋ gic mac njawaê dom. Mac akêŋ Batam njandô njayham naŋ Anötö gic bata têtŋ lau Israel-nŋga, naŋ daŋ dom, ma gacgeŋ ambo ahê A nötö dau. Tu dinaŋ-nŋga mac ambo ahê Kilisi dau whiŋ. ¹³Magoc mac lau naŋ muŋ-nŋga ambo ahê Anötö, kwahic dec mac ati Yisu Kilisi ndê lau. Anötö kêmasaŋ lêtŋ bu mac atigasuc iŋ, tu dac naŋ Kilisi kêc siŋ-nŋga.

¹⁴Bu kwahic dec yac lau hoŋ datap yom malô sa su tu Kilisi-nŋga. Muŋ-nŋga lau Israel-nŋga ma lau apa sêlic dandi sac-sac, gitôm tunjbôm atu kalhac njac njalhu ma whê njac kôc. Magoc Kilisi seŋ tunjbôm dau su giŋŋa, ma kêŋ lau toŋ lu dau sêpitigeŋ. ¹⁵Tunjbôm dau iŋ lau Israel-nŋga si yomsu, ma têtŋ ndoc Kilisi mbac ndu, naŋ iŋ kêmasaŋ seŋ wakuc tu lau sêtigasuc Anötö-nŋga, naŋ hôc gêlêc yomsu ti nj-njagôliŋ hoŋ su. Iŋ kôm gêŋ dau bu hê wamba toŋ lu dau e sêti toŋ wakuc ma toŋ tigeŋ tu njac si sêkêŋ whiŋ iŋ-nŋga. ¹⁶Ma toŋ lu naŋ iŋ kêŋ pitigeŋ, naŋ iŋ mbac ndu pi a gicso dau, bu hê wamba toŋ tigeŋ dinaŋ têtŋ Anötö. Ma njac si mêtê sêkêŋ kisa dandi-nŋga, naŋ iŋ gic ndu pi a gicso dau whiŋ. ¹⁷Bocdinaŋ Kilisi meŋ ma kêŋ njawaê njayham yom malô-nŋga têtŋ mac lau apa naŋ ambo ahê Anötö, ma têtŋ yac lau Israel-nŋga naŋ ambo ahê iŋ dom. ¹⁸Ma njalau tigeŋ wê yac lau Israel-nŋga ti mac lau apa hoŋ datigasuc Damaŋ Anötö, tu gwelêŋ naŋ Kilisi kôm-nŋga.

¹⁹Tu dinaŋ-nŋga dec Anötö gêlic mac atôm lau apa tiyham dom. Magoc mac ati iŋ ndê lau solop, ma lau dabuŋ, awhiŋ yac lau Israel-nŋga. Yac hoŋ datôm andu tigeŋ naŋ iŋ bu kwê sa. ²⁰Yêc andu dau lau propet ti aposel sêtôm daŋ ti lêlôm, ma Yisu Kilisi dau gitôm andu nj-alhô. ²¹Ma Anötö piŋ yac hoŋ dôŋ tam damiŋ Kilisi, datôm andu nj-gêŋ lêlôm hoŋ, naŋ iŋ gic dôŋ pi sac alhô ma daŋ ti lêlôm. Ma iŋ gêm gwelêŋ bu ndic têku andu dau tiatu njapaŋ e ti lôm dabuŋ atu tu Pômdau-nŋga. ²²Yom dau hêganônŋ mac lau apa awhiŋ. Anötö piŋ mac dôŋ awhiŋ yac lau Israel-nŋga tam damiŋ Kilisi, ma datôm andu naŋ Anötö ndê njalau ndôc njalôm.

Pol gêm akiŋ lau apa

3 ¹Njalêŋ dinaŋ Anötö kêmwasiŋ mac lau apa, ma tu dinaŋ-nŋga dec aô Pol, gati Yisu Kilisi ndê njac gapocwalô-nŋga tu wanem gwelêŋ ma wanem mac sa bu atap mwasiŋ dau sa. ²Mac anjô njawaê su, pi lêtŋ naŋ Anötö kêmasaŋ tu bu êmwasiŋ mac lau gameŋ apa-nŋga, dec kêyaliŋ aô sa bu wahoc yom dau asê têtŋ mac. ³Bu yom pi Anötö ndê lêtŋ nem lau si-nŋga, naŋ muŋ-nŋga yêc siŋ dau, naŋ iŋ hoc asê têtŋ aô. Aô gato bapia njalhô apê têtŋ mac pi gêŋ dau su. ⁴Ma bapia naŋ kwahic dec gato, naŋ bu whê nem gauc sa pi Kilisi ndê gwelêŋ naŋ njahu yêc siŋ dau, naŋ Anötö hoc

asê têtj aö. ⁵Yom pi Kilisi dau inj tiawê têtj lau ñamata-ñga dom. Magoc kwahic dec ñalau Dabuñ hoc asê têtj Anötö ndê aposel dabuñ ma têtj lau propet. ⁶Ma yom nañ muñ-ñga yêc siñ dau nañ bocdec bu, mwasiñ ñayham hoñ nañ Anötö gic bata bu kêtj têtj yac, nañ mac lau apa awêkainj awhiñ yac lau Israel-ñga, ma yac hoñ dati toñ tigeñ. Asa nañ kêtj whiñ Yisu Kilisi, nañ oc tap mwasiñ dau sa, tòm ñawaê ñayham whê sa têtj yac.

⁷Anötö kêmwasinj aö ma puc aö dôñ ña inj ndê ñaclai atu, ma bocdinañ dec gati inj ndê ñgac akiñ bu wahoc ñawaê ñayham dau asê. ⁸Aö gati Anötö ndê lau dabuñ hoñ si ñgac ñambu-ñga, tigeñ inj kêmwasinj ma kêtj aö bu wahoc ñawaê ñayham asê têtj mac lau apa, pi mwasiñ atu nañ datap sa yêc Kilisi. Mwasinj dau atu andô, ñahu sip ñalôm gi ma pi lôlôc gi, ma hôc gêlêc ñamalac si gauc atu-tu hoñ. ⁹Ma inj kêtj aö bu wawhê lau hoñ si gauc sa pi Anötö ndê lêñ nem lau si-ñga, nañ têtj hic baliñ su yêc siñ dau yêc Anötö nañ kêtj undambê ti nom ma gêtj hoñ. ¹⁰Magoc kwahic dec Anötö tac whiñ bu ñaclai ti gôliñ hoñ nañ sêmbo undambê ma sêmbo umboñ ñasawa, nañ oc sênjalê inj ndê gauc atu-tu. Inj piñ lau apa ma lau Israel-ñga dôñ sêti gôlôwac dabuñ tigeñ, ma lêñ dinañ tôc inj ndê gauc asê tiawê. ¹¹Lêñ dau inj gauc gêm tidôñ muñ su, ma kwahic dec yac neñ Pômdau Yisu Kilisi kôm ñandô sa.

¹²Tu dakêtj whiñ ti dasap Kilisi dôñ-ñga, dec gêtj danj kalhac yac ahuc bu datêtj Anötö dandi-ñga dom, ma datigasuc inj ti atac pa su. ¹³Bocdinañ aö wateñ mac bu ahêgo daôm dom tu ñawapac hoñ nañ gahôc tu mac-ñga, bu gahôc tu bu mac ati lau tiwaê yêc Anötö añgô-ñga.

Pol teñ mbec tu lau Epesas-ñga

¹⁴⁻¹⁵Tu gêtj hoñ dinañ-ñga, dec aö gapôñ hanjduc têtj Damañ Anötö, nañ gêlic ñayham bu hê ndê ñaê pi lau undambê ti nom-ñga hoñ nañ sêkêtj whiñ Kilisi, ma sam ñac bu inj ndê balêkoc. ¹⁶Ma aö gateñ Mwasinj ñadau Anötö, bu kêtj ndê ñalau sip nem ñalôm, bu puc mac dôñ ña inj ndê ñaclai atu. ¹⁷Ma gateñ inj bu kêtj Kilisi ndöc nem ñalôm tu mac nem akêtj whiñ-ñga. Ma mêtê atac whiñ-ñga puc mac dôñ bu alhac ñañga, tòm a nañ ñawakac gacgeñ sip nom ñalôm gi. ¹⁸⁻¹⁹Kilisi ndê atac whiñ yac inj gêtj atu andô, nañ tòm dom bu danem dôhôn, ma ñahu hôc gêlêc gauc nom-ñga hoñ su. Magoc aö gateñ Anötö bu kêtj ñaclai ti gauc têtj mac bu añjalê Kilisi ndê atac whiñ, awhiñ lau dabuñ hoñ. Aö gateñ mbec pi gêtj hoñ dinañ, tu bu mac ati lau gwalam akwa akêtj whiñ-ñga nañ Anötö ti ndê mwasiñ ti ñawasi ma ñaclai atu nem mac hoñ ahuc.

²⁰Anötö ndê ñaclai, nañ gêm gwelenj yêc yac neñ ñalôm, nañ ñaclai atu andô. Yac datôm dom bu gauc nem me datenj gêtj danj, nañ inj ndê ñaclai oc tòm dom bu kôm ñandô sa ñagahô enj. ²¹Tu dinañ-ñga yac lau nañ dambo gôlôwac dabuñ ñalôm, ma yac neñ wakuc hoñ nañ bu sênjukuc

yac, naŋ dahoc Anötö ndê waê asê tu Yisu Kilisi-nga, tòm têm hoŋ ndi. Yomandô.

Yac gôlôwac dabuŋ dapiŋ dauŋ dôŋ dati Kilisi ndê ŋandô

4 ¹Ŋalêŋ dinaŋ Anötö tac whiŋ mac ma kêgalêm mac sa bu ati iŋ ndê lau dabuŋ. Tu dinaŋ-nga dec aö, naŋ gati Pômdau ndê ŋac gapocwalô-nga, waŋgilí mac bu asa nem lêŋ gitêŋ ti dabuŋ, aŋkuc iŋ ndê galem dau. ²Akôm nem gêŋ hoŋ ti aŋgwiniŋ daöm, ma ti lêŋ malô. Akôc nem ŋalôm dôŋ, ma giso bocke naŋ asidôwai bu sêkôm têŋ mac, naŋ asuc kwi ma akôc ŋac sa bu atôc nem mêtê atac whiŋ-nga asê. ³Ayob bu gêŋ daŋ seŋ Ŋalau Dabuŋ ndê gwelen piŋ mac dôŋ-nga su dom. Ma bocdinaŋ iŋ ndê yom malô oc piŋ mac hoŋ dôŋ bu ambo ti nem ŋalôm tigeŋ. ⁴Yac dati Kilisi ndê ŋandô tigeŋ, ma Ŋalau tigeŋ mbo yac tigeŋ-tigeŋ neŋ ŋalôm. Ma tu Anötö kêgalêm mac sa awhiŋ yac-nga, dec yac hoŋ taŋkwê mwasinŋ atu tigeŋ. ⁵Tam akiŋ Pômdau tigeŋ, dakêŋ whiŋ yom ŋandô tigeŋ, ma busaŋgu tigeŋ piŋ yac hoŋ dôŋ tam damiŋ Yisu Kilisi. ⁶Anötö tigeŋ ti yac lau dakêŋ whiŋ-nga hoŋ Damaŋ, ma iŋ gêm gôliŋ yac. Iŋ mbo yac hoŋ ŋalôm, ma puc yac dôŋ bu dakôm iŋ ndê gwelen.

Kilisi kêmwasiŋ yac tu bu dapo gôlôwac dabuŋ sa-nga

⁷Ma Anötö kêmwasiŋ yac tigeŋ-tigeŋ ŋa mwasinŋ ŋalôm-nga tidau-tidau, tòm Kilisi gic sam têŋ yac ŋambwa. ⁸Tòm Anötö ndê yom daŋ, naŋ sêto yêc bocdec bu:

Iŋ ku ndê ŋacyo dulu ma wê ŋac gitôm lau gapocwalô-nga, goc pi lólôc gi ma kêmwasiŋ lau ŋa gêŋ ŋayham-ŋayham, naŋ kêŋ têŋ ŋac ŋambwa. *[BW 68:18]*

⁹Yom dau sôm bu iŋ pi lólôc gi, dec whê sa bu iŋ sip nom meŋ muŋ. ¹⁰Ma iŋ ŋac tigeŋ dinaŋ, naŋ sip nom meŋ, naŋ mbu pi lólôc gi mbo gameŋ ŋamata-nga andô yêc undambê, tu bu nem gôliŋ gêŋ hoŋ ma êmwasiŋ iŋ ndê lau hoŋ êŋlêc.

¹¹Ma bocdinaŋ iŋ kêyaliŋ iŋ ndê lau ŋatô sa sêti aposel, ŋatô sêti propet, ŋatô sêti lau aheŋ-nga, ŋatô sêti ŋacsakiŋ, ma ŋatô bu sêndôhôn Anötö ndê mêtê. ¹²Iŋ kêmwasiŋ ti kêyaliŋ ŋac sa bu sêndôhôn ma sêpuc Anötö ndê lau dabuŋ dôŋ e ŋac hoŋ sêkôm sakiŋ tidau-tidau tu bu sêpo gôlôwac dabuŋ, naŋ sêti Kilisi ndê ŋandô, naŋ sa-nga. ¹³Ma yac hoŋ dakôm neŋ sakiŋ tidau-tidau e yac neŋ dakêŋ whiŋ ti gauc taŋyalê Anötö ndê Atu-nga êŋsôwec tiatu ma piŋ yac hoŋ dôŋ pitigeŋ. Ma ŋalêŋ dinaŋ yac oc dati lau gwalam akwa dakêŋ whiŋ-nga ma dasa neŋ lêŋ gitêŋ eŋ tòm Kilisi dau.

¹⁴Ma bocdinaŋ yac oc dambo datôm balêkoc tiyham dom. Ma lau naŋ sêndôhôn yom tasaŋ ma sêŋsalê lêŋ bu sêtim yac ma sêkôm yac neŋ dakêŋ whiŋ tisac, naŋ oc sêtôm dom bu sêkôm yac atac lu-lu tòm gakoc

naŋ mbu kÛyôc, me agatê naŋ gwêc ŋampon kÛŋiŋ gi ma meŋ. ¹⁵Magoc yac oc dati lau naŋ dalhac ŋaŋga ma dasap yom ŋandô ti mêtê atac whiŋ-ŋga dôŋ eŋ. Ma dakôm gÛŋ hoŋ datôm lau gwalam akwa naŋ dasap yac neŋ ŋagôlôn tigeŋ, naŋ Kilisi dôŋ. ¹⁶Bu iŋ dau piŋ yac hoŋ dôŋ dati iŋ ndê ŋandô, ma kÛmwasiŋ yac tigeŋ-tigeŋ tu bu danem akiŋ asidôwai-ŋga ma dasap mêtê atac whiŋ-ŋga dôŋ. Ma ŋalêŋ dinaŋ gôlôwac dabuŋ oc êŋsôwec tiatu-tiatu ndi.

Dasa neŋ lÛŋ tiwakuc

¹⁷Tu dinaŋ-ŋga dec aô bu wasôm yom tÛŋ mac wanem Pômdau aŋgô, ma wakac mac bu ambu atêŋ lÛŋ akwa tiyham dom. Ambo atôm lau naŋ daŋgasuŋ sambuc ŋawaê ŋayham ma sÛsap gauc ti lÛŋ ŋandô mba-ŋga dôŋ ŋapaŋ, naŋ dom. ¹⁸Ŋasec kôm ŋac si gauc ahuc. Ma sÛsa lÛŋ gauc mbasi-ŋga tu ŋac si ŋalôm ŋadandi-ŋga, dec kalhac ŋac ahuc bu sÛtap Anôtô ndê lÛŋ sÛndôc tali-ŋga sa dom. ¹⁹Ŋac maya dau daŋ dom, ma sÛkÛŋ dau sambuc tÛŋ lÛŋ ŋalôm ŋagalac-ŋga. Ŋac si ŋalôm kac ŋac bu sÛkôm mêtê ŋadômbwi tidau-tidau ŋapaŋ, ma ŋac atac whiŋ awa ti wapa hôc gÛlêc.

²⁰Magoc tÛŋ ndoc mac aŋgô ŋawaê ŋayham pi Kilisi, naŋ sÛndôhôn mac bu asa lÛŋ kaiŋ dinaŋ dom. ²¹Mac aŋgô yom pi Yisu ma akÛŋ whiŋ iŋ, ma sÛndôhôn mac sÛŋkuc yom ŋandô naŋ ŋahu yêc iŋ. ²²SÛndôhôn mac su bu ahu lÛŋ ŋalôm akwa-ŋga naŋ muŋ-ŋga asa ambo, naŋ siŋ. Bu lÛŋ dau kÛgilí mac bu asa lÛŋ tasanŋ ŋalôm ŋagalac-ŋga, naŋ kôm mac nem lÛŋ ambo-ŋga tisac, ma ac waê bu andiŋam. ²³Ma sÛndôhôn mac bu aŋkuc gauc wakuc naŋ Anôtô ndê Ŋalau kÛŋ sip nem ŋalôm, dec asa nem lÛŋ tiwakuc. ²⁴Asa lÛŋ ŋalôm wakuc-ŋga tôm mac asôc nem ŋakwê wakuc sa. Anôtô dau kÛŋ ŋalôm wakuc tÛŋ yac, naŋ iŋ kÛmasaŋ tu bu datôm iŋ dau, ma taŋkuc iŋ ndê yom ŋandô ti dasa neŋ lÛŋ dabuŋ ma gitêŋ eŋ.

²⁵Tu dinaŋ-ŋga ahu yom tasanŋ hoŋ siŋ, ma asôm yom ŋandô eŋ awhiŋ daôm. Bu yac hoŋ dambo datôm Kilisi ndê ŋandô tigeŋ, ma yac bu taŋsau neŋ asidôwai, dec oc seŋ yac neŋ lÛŋ dapiŋ dauŋ dôŋ-ŋga popoc. ²⁶Mac bu atac ŋandê, naŋ ayob daôm bu akôm sac dom. Yom atac ŋandê-ŋga bu lhac mac ŋasawa, naŋ amasaŋ tÛŋ acsalô dau dinaŋ, muŋ su naŋ ac ndi sip. ²⁷AkÛŋ ŋasawa tÛŋ Sadaŋ bu êntôm mac dom. ²⁸Am asa naŋ gÛm kaŋ gÛŋ, naŋ hu siŋ ma kôm gwelenŋ ŋayham ŋa amam bu nem daôm sa, ma nem lau naŋ sÛpônda dau, naŋ sa sÛwhiŋ.

²⁹Ayob nem whamsuŋ tÛŋ yom sac-sac hoŋ. Asôm yom ŋayham eŋ, naŋ tôm bu nem asidôwai sa ma puc ŋac dôŋ, ma mac nem yom oc êmwasiŋ lau naŋ sÛŋgô. ³⁰Ayob daôm bu asa lÛŋ gitêŋ ti dabuŋ eŋ, bu akÛŋ ŋawapac tÛŋ Ŋalau Dabuŋ dom. Bu Anôtô kÛŋ ndê Ŋalau dau tÛŋ mac ti nem ŋadalô, bu tôc asê bu mac ati iŋ ndê, ma bu wê mac asa nem

lêṅ gitêṅ ti dabuṅ eṅ, e iṅ kôc mac sa têṅ bêc ṅambu-ṅga, awhiṅ lau hoṅ naṅ iṅ gêmli ṅac su sêti iṅ ndê. ³¹Yom dalic dauṅ sac-ṅga, yom atac ṅandê-ṅga, mêtê dali dauṅ sa ti dasôm dauṅ-ṅga, ma yom datigasec lau-ṅga, mêtê kaiṅ dinaṅ hoṅ naṅ ahu siṅ sambuc. ³²Ma ambo ti atac whiṅ nem asidôwai hoṅ, ma tamwalô ṅac ti anem ṅac sa. Ma asuc sac naṅ asidôwai bu sêkôm têṅ mac, naṅ kwi, tôm Anötö suc mac nem sac kwi tu Kilisi-ṅga.

5 ¹Bocdinaṅ asa nem lêṅ aṅkuc Anötö ndê, atôm iṅ ndê balêkoc atac whiṅ-ṅga. ²Ma asa nem lêṅ ti atac whiṅ asidôwai hoṅ, tôm Kilisi tac whiṅ yac ma kêṅ dau sambuc ti da tu yac-ṅga, naṅ Anötö gêlic gitôm da ṅamalu ṅayham.

³Ayob daôm bu mêtê kaiṅ bocdec daṅ yêc mac ṅasawa dom. Mêtê mockaiṅ-ṅga, mêtê ṅadômbwi tidau-tidau ma lau si mêtê sêpo awa ti wapa sa tu dau-ṅga. Bu lêṅ bocdinaṅ gic lau naṅ sêti Anötö ndê lau dabuṅ, naṅ ṅawaê dom. ⁴Ma yom sac-sac ti yom gauc mbasi-ṅga ma yom mayan-ṅga bocdinaṅ gic waê lau dabuṅ dom. Magoc yom danem daṅge Anötö ti danem daṅge yac neṅ asidôwai-ṅga dec gic yac ṅawaê solop.

⁵Bu mac aṅyalê pi ṅandô bu Anötö oc kôc lau kaiṅ bocdec sa dom. Lau mockaiṅ-ṅga, lau naṅ sêsa lêṅ ṅadômbwi, ma lau naṅ sêkêṅ awa ti wapa nom-ṅga kalhac si gauc ṅamata ṅapaṅ, naṅ gitôm ṅac sem akiṅ anötöi gwam. Lau naṅ sêsa lêṅ kaiṅ dinaṅ, naṅ oc sêwêkaiṅ si mala yêc Kilisi ma Anötö ndê gameṅ undambê-ṅga dom andô. ⁶Ayob daôm bu lau tasan si yom ṅambwa-ṅambwa êṅsau mac pi lêṅ sac-sac dinaṅ dom. Aṅyalê ṅapep bu lau daṅgapêc naṅ sêsa lêṅ sac-ṅga, naṅ oc sêtap Anötö ndê atac ṅandê sa. ⁷Tu dinaṅ-ṅga andic sôṅ daôm awhiṅ ṅac dom.

⁸Bu muṅ-ṅga mac asa lêṅ ṅasec-ṅga, magoc kwahic dec mac akêṅ whiṅ Pômdau dec ati balêkoc gameṅ ṅawê-ṅga. Bocdinaṅ asa lêṅ ṅawê-ṅga eṅ andic ṅawaê. ⁹Ma lêṅ ṅawê-ṅga ṅa-ṅandô bocdec, dakôm mêtê ṅayham tidau-tidau, dasa lêṅ gitêṅ, ma dasap yom ṅandô dôṅ. ¹⁰Bocdinaṅ akôc gauc pi mêtê bocke naṅ gic Pômdau tandô ṅayham. ¹¹Andic ahê lau naṅ sêsap mêtê ṅasec-ṅga, naṅ ṅandô ṅayham mbasi, naṅ dôṅ. Asa lêṅ ṅawê-ṅga eṅ, tu bu atôc asê tiawê bu ṅac si mêtê dau iṅ sac sambuc. ¹²Bu mêtê naṅ lau sac sêkôm sêsiniṅ-sêsiniṅ sêmbo, naṅ bu dasôm yom pi, dec oc kêṅ maya yac atu andô. ¹³Magoc Anötö ndê ṅawê pô gêṅ hoṅ dinaṅ, ma tôc gêṅ naṅ yêc siṅ dau, naṅ ṅahu asê tiawê. ¹⁴Tu dinaṅ-ṅga sêsôm yom gôliṅ daṅ pi ṅamalac naṅ sap mêtê sac dôṅ ṅapaṅ, naṅ yêc bocdec bu, “Am ṅgac naṅ yêc bêc yêc, tampo sa ma tisa! Tisa akêṅ lau batê-ṅga, ma Kilisi ndê ṅawê pô am.”

¹⁵Bocdinaṅ dec ayob daôm bu asa lêṅ gauc mbasi-ṅga dom, magoc asa nem lêṅ ti gauc eṅ. ¹⁶Akôc gauc bu akôm mêtê ṅayham eṅ, tôm nem têm ambo tamli-ṅga hoṅ, bu yac dambo têm sac-ṅga ṅalôm. ¹⁷Tu dinaṅ-ṅga ambo ti nem gauc ṅawa ma aṅyalê lêṅ naṅ Pômdau tac whiṅ bu dakôm-

ɳga. ¹⁸Anòm gɛɳ ɛɳɳɳ mac-ɳga dom, bu lau naɳ sɛsa lɛɳ dinaɳ sɛɳyaɳɳ dau ti si gɛɳ hoɳ. Magoc akɛɳ nem ɳalòm sambuc tɛɳ ɳalau Dabuɳ bu nem mac ahuc. ¹⁹Ma bocdinaɳ asòm yom ɳayham-ɳayham tɛɳ daòm tu apuc daòm dòɳ-ɳga, tòm mac atap sa yɛc Buku Wɛ-ɳga ti Wɛ Dabuɳ ma wɛ naɳ ɳalau dau kɛɳ tɛɳ mac. Anem wɛ, ma gauc nem wɛ tu ampiɳ Pòmdu-ɳga yɛc nem ɳalòm tòm bɛc hoɳ. ²⁰Ma gɛɳ hoɳ naɳ Damaɳ Anötö kɛɳ tɛɳ mac, naɳ anem daɳge iɳ ɳapaɳ, tu yac neɳ Pòmdu Yisu Kilisi ndɛ ɳaɛ-ɳga. ²¹Asóc nem asidówai ɳapu tu bu atóc asɛ bu mac atoc Kilisi sa-ɳga.

Pol to yom pi lauwhé ma ɳgac

²²Mac lauwhé tigeɳ-tigeɳ asóc nem ɳgaci ɳapu tòm asóc Pòmdu dau ɳapu. ²³ɳahu bu laungac sɛti lauwhé si ɳagólòɳ, ɳalɛɳ tigeɳ tòm Kilisi ti gólówac dabuɳ naɳ iɳ gɛm ɳac si ma sɛti iɳ ndɛ ɳandò, naɳ si ɳagólòɳ. ²⁴Bocdinaɳ tòm gólówac dabuɳ sɛsóc Kilisi ɳapu, dec mac lauwhé asóc nem ɳgaci ɳapu tu gɛɳ hoɳ-ɳga. ²⁵Ma mac laungac, atac whiɳ nem awhɛi, ɳalɛɳ tigeɳ tòm Kilisi tac whiɳ gólówac dabuɳ dec kɛc ndɛ dac siɳ ma mbac ndu tu ɳac-ɳga. ²⁶Iɳ kòm gɛɳ dau tu bu ɛɳgwasiɳ ɳac si sac hoɳ su e sɛti lau dabuɳ, ma busaɳgu ti Anötö ndɛ yom kòm gɛɳ dau ɳandò sa. ²⁷Ma iɳ bu kɛɳ gólówac dabuɳ sɛlhac iɳ aɳgò-ɳga tòm lau dabuɳ ti ɳawasi atu, naɳ giso me mɛtɛ sac me yom daɳ yɛc ɳac-ɳga dom. ²⁸ɳalɛɳ tigeɳ dinaɳ mac laungac atac whiɳ nem lauwhé andic ɳawaɛ. Atac whiɳ ɳac tòm mac atac whiɳ daòm nem ɳamlic. Asa naɳ tac whiɳ ndɛ awhɛ, naɳ gitòm iɳ atac whiɳ dau. ²⁹⁻³⁰Bu ɳamalac daɳ oc tec iɳ dau ndɛ ɳamlic dom, magoc yob ti gɛm yaom ɳapep tòm Kilisi kòm tɛɳ yac lau naɳ dati iɳ ndɛ ɳandò, naɳ gólówac dabuɳ. ³¹Anötö sòm yom pi lauwhé ma ɳgac, tòm sɛto yɛc bocdec bu:

Tu dinaɳ-ɳga dec ɳgac daɳ oc hu damba lu dinda siɳ, ma sap iɳ
nawhé dòɳ, ma iɳlu sɛti gɛɳ tigeɳ. [Gen 2:24]

³²Yom pi lauwhé ma ɳgac, aó gam dòhòɳ whiɳ yom pi Kilisi ma gólówac dabuɳ, ma yom dau ɳahu sip ɳalòm gi. ³³Magoc aó wasòm tɛɳ mac laungac tigeɳ-tigeɳ, bu atac whiɳ nem awhɛi tòm mac atac whiɳ daòm. Ma mac lauwhé hoɳ atoc nem ɳgaci sa.

Damba ti dindai ma balêkoc si yom ɳatò

6 ¹Mac balêkoc, daɳam wambu dinam ti damami tu Pòmdu-ɳga, bu lɛɳ dau iɳ lɛɳ gitɛɳ. ²Bu Anötö ndɛ yomsu naɳ sòm bu, “*Toc damam lu dinam sa,*” naɳ yomsu ɳamata-ɳga naɳ Anötö gic bata yom daɳ whiɳ bocdec bu, ³“*Kòm bocdinaɳ, dec aó wanem mbec am nem lɛɳ hoɳ, ma wandic tɛku nem tɛm mbo tamli yɛc nom-ɳga.*”

⁴Mac dambai, ayob daòm bu akòm nem balêkoc atac ɳandɛ dom. Magoc tòm tɛm hoɳ naɳ sɛmbo sɛwhiɳ mac, naɳ andòhòɳ ti anem la ɳac ɳalɛɳ solop naɳ gic Pòmdu ndɛ lau ɳawaɛ, e sɛtiatu.

Lau akiñ ma ñadaui si yom

⁵Mac lau akiñ, dañam wambu nem ñadaui nom-ñga, ma atoc ñac sa ti asôc ñac ñapu ñapep. Akôm ti nem ñalôm sambuc, tôm mac am akiñ Kilisi dau. ⁶⁻⁷Ma gauc nem bu akôm tu bu nem ñadaui sêlic mac ñayham-ñga ñambwa lec dom. Mba. Mac nem ñadaui bu sêmbo sêwhiñ mac, me sêmbo dom, magoc anem akiñ ñapep eñ. Anem akiñ ñac ti nem ñalôm sambuc, bu Anötö tac whiñ bu mac akôm bocdinañ. Akôm tôm mac am akiñ Kilisi dau, ma tôm mac am akiñ lau nom-ñga tawasê dom. ⁸Bu mac añyalê su, bu lau hoñ oc sêtap si ñagêyô sa yêc Pômdau, tu gêñ ñayham bocke nañ sêkôm-ñga. Lau nañ sem akiñ ñadaui, ma lau nañ sêkôm gwelêñ tu dau-ñga, nañ sêwhiñ.

⁹Ma mac ñadaui, ayob nem lau akiñ ñalêñ ñayham eñ. Asôm yom matôc-ñga tu bu akac nem lau akiñ tu sêkôm gwelêñ-ñga, nañ dom. Bu mac añyalê su bu Pômdau, nañ ti mac nem ñadau ma ñac si ñadau whiñ, nañ mbo undambê, ma iñ oc toc ñamalac dañ sa hóc gêlêc dañ dom, iñ oc êñsahê yac hoñ ña saê tigeñ.

Dandic siñ ti Anötö ndê ñaclai

¹⁰Aneñ yom ñambu-ñga bocdec. Tamkwê Pômdau ti ndê ñaclai atu bu puc mac dôñ alhac ñañga. ¹¹Asôc Anötö ndê wapa siñ-ñga hoñ sa, dec oc tôm bu mac alhac ñañga ma aku Sadañ ndê lêñ tasan ti saê hoñ dulu. ¹²Bu yac lau dakêñ whiñ-ñga neñ ñacyo dec ñamalac nom-ñga dom. Mba! Yac tac siñ têtñ gôliñ ti ñaclai hoñ nañ sêmbo Sadañ ñapu. Yomandô! Yac tac siñ têtñ Sadañ ma têtñ iñ ndê ñalau sac nañ sêmbo umbon ñasawa, ma sem gôliñ lau sac têtñ têtñ ñasec-ñga dindec. ¹³Tu dinañ-ñga asôc Anötö ndê wapa siñ-ñga hoñ sa, bu alhac ñañga ma andic siñ têtñ ndoc mac nem ñacyo sac hóc asê mac. Ma ñalêñ dinañ ñacyo dau ndê lêñ dañ oc tôm dom bu kôm mac aku sa. ¹⁴Bocdinañ alhac ñañga. Asap yom ñandô dôñ ñapañ bu puc mac dôñ, gitôm piñkap nañ lau siñ-ñga sêkic pi ñac si ñampêbalê. Ayob daôm bu asa lêñ gitêñ eñ, gitôm lau siñ-ñga sêyob si ñabapo ña wapa siñ-ñga. ¹⁵Amasañ daôm ñapep tu ahoc ñawaê ñayham yom malô-ñga asê, tôm lau siñ-ñga sêsôc atapa sa bu sêmasañ dau tu sêñsêlêñ-ñga. ¹⁶Ma asap nem akêñ whiñ dôñ ñañga tôm têtñ hoñ, bu yob mac têtñ Sadañ, gitôm lau siñ-ñga si lautuc nañ tiñ ñac, ma si ñacyo si sôp ti ya hoñ ndu. ¹⁷Gauc nem ñapañ bu Anötö gêm mac si su, ma yom dau oc yob mac nem gauc gitôm guluj ain nañ lau siñ-ñga sêuj tiñ ñagôlôñ. Ma Anötö ndê yom tidôñ yêc mac, bu yom dau ti ñalau Dabuñ ndê bieñ baliñ bu andic siñ-ñga. ¹⁸Akôc wapa siñ-ñga hoñ dinañ, ma atêñ mbec têtñ Anötö ti ñalau Dabuñ ndê ñaclai, ma andac iñ bu nem mac sa tôm têtñ hoñ. Anem ali, alhac ñañga, ma atêñ mbec tu lau dabuñ-ñga tôm bêc hoñ.

¹⁹⁻²⁰Ma atenj mbec tu aö-nga whiñ. Anötö kêyalinj aö sa bu wahoc ñawaê ñayham asê pi iñ ndê lêñ nem lau si-nga, nañ muñ-nga yêc siñ dau. Atenj mbec bu Anötö puc aö dôñ ma kêñ yom ti gauc têtñ aö bu wawhê ñawaê dau ñahu sa ñapep eñ, ma ti neñ atac pa su, tòm iñ ndê atac whiñ. Kwahic dec aö gandöc gapocwalô tu aö neñ gweleñ ñawaê ñayham-nga dinañ.

Pol gic bata ndê yom

²¹Tikikus, yac neñ asidôwa atac whiñ-nga, ma Pômdau ndê ñgac akiñ ñandô, nañ oc têtñ mac loc, bu ndic miñ aneñ yom ti gweleñ ñawaê hoñ têtñ mac. ²²Aö wañkiñ iñ têtñ mac loc, tu bu ndic miñ yac mba yom hoñ têtñ mac, ma bu êñgili mac bu alhac ñañga.

²³Damañ Anötö lu Pômdau Yisu Kilisi sêpuc mac asidôwai hoñ dôñ, bu asap mêtê atac whiñ ti akêñ whiñ-nga dôñ ñañga, ma ambo ti yom malô. ²⁴Anötö ndê mwasiñ nem mac lau hoñ nañ atac whiñ yac neñ Pômdau Yisu Kilisi, nañ ahuc tòm têm hoñ ndi.